



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

70. De coelibatus & castitate sacerdotum & clericorum, & poena
co[n]trahentiu[m] nuptias.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

citum est, per quas dudum coherentes vxoribus, non perscrutamur, omne præteritum relinquentes, de cætero autem nulli permittentes à positione legis vxorem habenti talem imponi ordinationem, quam legem etiam nunc renouamus, ne fortè si præter hoc aliquid fiat, & ipse cadat sacerdotio, & ordinantem similiter excludi procuret. Igitur ordinandus Episcopus, aut ex monachis, aut ex clericis, sit etiam in huiusmodi vita testimonij boni, vita bonus & honestus, & gloria fruens bona, & hoc fundamentum pontificatus deponens suæ animæ.

Iustinianus Imper. in eadem authent. s. Hæc autem. De cœlibatu & castitate sacerdotum & clericorum, & pœna contrahentium nuptias.

CAP. LXX.

Quæ de Deo amabilibus episcopis secundum diuinas regulas fanciuimus, eadē & de religiosis clericis constituimus. Neque enim secundas habentem, aut eum qui habuerit nuptias, ordinari in diaconum, aut presbyterum permittimus, neque si mulieri coniungatur seiunctæ, & proprium virum derelinquenti: sed neque si concubinam habeat, sed ipsam vxorem, si cum castitate & ex virginitate sit. Nihil enim sic in sacris ordinationibus diligimus, quam cum castitate viuētes, aut cum vxoribus non cohabitantes, aut vnus vxoris virum, qui vel fuerit vel sit, & ipsam ca-

Gg s stita-

nitatem eligentem, primum principium & fundamentum manifestum secundum diuinas regulas, & residuæ virtutis constitutam. Si autem aliquis presbyter aut diaconus aut subdiaconus postea ducat vxorem, aut concubinam, palam, aut occultè, sacro statim cadat ordine & deinceps idiota sit. Quod si & lector secundam ducat vxorem propter quædam & hoc forsitan irrecusabili necessitate, nullatenus ad altiore gradum, neque perfruatur gradu maiori in sacerdotio, maneat autem in eodem gradu perpetuò, sed non ad tertias veniat nuptias: satis est enim si ad secundas. Si verò tale aliquid egerit, & ad secundas veniens nuptias, ad maiorem gradum venire festinauerit, exinde idiota erit & laicus, omnino sacro ministerio cadens. Pudicè etenim nobis per omnia pertinet viuere. Si enim tales constituti ij, qui in clero adducuntur, ordinentur, facilis eis ad episcopatum ascensus erit, & ex multis bonis viris facilius inuenientur, qui adducantur ad primum gradum sacerdotij digni.

Iustinianus Imper. in. l. Nos semper. C. de Episcop. & cleric. De sacerdotum, & Episcoporum officio, & quare Ecclesia ad sacerdotium et Episcopatum, non nisi continentem admittat.

CAP. LXXI.

NOS semper omnibus modis sacrosanctis Ecclesijs prouidentes in honorem &